



# Maybank

PELAN PELABURAN SEMULA DIVIDEN (“DIVIDEND REINVESTMENT PLAN” ATAU “DRP”) BAGI DIVIDEN TUNAI INTERIM (SEBAGAIMANA YANG DIDEFINISIKAN DI SINI) YANG DILAKSANAKAN OLEH MALAYAN BANKING BERHAD (“MAYBANK”)

MALAYAN BANKING BERHAD (3813-K)

(Diperbadankan di Malaysia di bawah Ordinan Syarikat, 1940-1946)

100, Jalan Tun Perak, 50050 Kuala Lumpur

SEKIRANYA ANDA PEMEGANG SAHAM KAMI YANG LAYAK BERDASARKAN REKOD PENDEPOSIT MAYBANK BERTARIKH 29 SEPTEMBER 2014 (“PEMEGANG SAHAM YANG LAYAK”) DAN INGIN MENGAMBIL BAHAGIAN DALAM DRP, ANDA MESTI MELENGKAPKAN DAN MEMULANGKAN BORANG PELABURAN SEMULA DIVIDEN KEPADA TRICOR INVESTOR SERVICES SDN BHD (“PENDAFTAR BAGI DRP”), DAN BORANG TERSEBUT HARUS SAMPAI KEPADA PENDAFTAR BAGI DRP PADA ATAU SEBELUM HARI RABU, 15 OKTOBER 2014 PADA JAM 5.00 PETANG, ATAU SEBARANG TARIKH DAN MASA YANG MUNGKIN DILANJUTKAN OLEH LEMBAGA PENGARAH MAYBANK (“LEMBAGA PENGARAH”) BERDASARKAN BUDI BICARA MUTLAK MEREKA.

SEKIRANYA ANDA TIDAK INGIN MELABUR SEMULA DIVIDEN TUNAI ANDA KE DALAM SAHAM BIASA BARU MAYBANK BERNILAI RM1.00 SESAHAM (“SAHAM MAYBANK”) BERHUBUNG DRP, ANDA TIDAK PERLU MENGAMBIL SEBARANG TINDAKAN. PEMBAYARAN JUMLAH DIVIDEN YANG LAYAK AKAN DIBUAT KEPADA ANDA PADA HARI SELASA, 28 OKTOBER 2014 BERDASARKAN PILIHAN YANG TELAH ANDA PUTUSKAN SEBELUM INI.

Tarikh dan masa akhir untuk menyerahkan Borang Pelaburan Semula Dividen : Rabu, 15 Oktober 2014 pada jam 5.00 petang, atau sebarang tarikh dan masa yang mungkin dilanjutkan oleh Lembaga Pengarah berdasarkan budi bicara mutlak mereka

Peruntukan dan terbitan Saham Maybank baru serta pembayaran dividen tunai kepada Pemegang Saham Yang Layak : Selasa, 28 Oktober 2014

Pada 28 Ogos 2014, Lembaga Pengarah telah mengisytiharkan dividen tunai interim satu peringkat (*single-tier interim cash dividend*) sebanyak RM0.24 bagi setiap Saham Maybank bagi tahun kewangan akan berakhir 31 Disember 2014 (“Dividen Tunai Interim”). Lembaga Pengarah juga telah memutuskan bahawa DRP akan diguna pakai bagi pembayaran Dividen Tunai Interim di mana bahagian boleh pilih sebanyak RM0.20 bagi setiap Saham Maybank yang dipegang (“Bahagian Boleh Pilih”) boleh ditaburkan semula ke dalam Saham Maybank baru dan bahagian selebihnya sebanyak RM0.04 bagi setiap Saham Maybank yang dipegang akan dibayar secara tunai.

Setiap Pemegang Saham Yang Layak mempunyai pilihan-pilihan berikut terhadap Bahagian Boleh Pilih:

- (a) Memilih untuk menerima kesemua Bahagian Boleh Pilih dalam tunai; atau
- (b) Memilih untuk melabur semula kesemua Bahagian Boleh Pilih ke dalam Saham Maybank baru yang dikreditkan sebagai berbayar penuh pada harga terbitan sebanyak RM9.30 bagi setiap Saham Maybank baru, yang telah ditetapkan pada 12 September 2014; atau
- (c) Memilih untuk melabur semula sebahagian daripada Bahagian Boleh Pilih ke dalam Saham Maybank baru yang dikreditkan sebagai berbayar penuh pada harga terbitan sebanyak RM9.30 bagi setiap Saham Maybank baru, yang telah ditetapkan pada 12 September 2014 dan menerima bahagian selebihnya daripada Bahagian Boleh Pilih dalam tunai.

Salinan Penyata DRP dan Notis Pemilihan (termasuk Borang Pelaburan Semula Dividen) (“Dokumen-Dokumen DRP”) telah dihantar kepada semua Pemegang Saham Yang Layak (kecuali pemegang-pemegang saham yang beralamat di luar negara) pada 1 Oktober 2014.

Sebarang terbitan Saham Maybank baru sehubungan dengan Notis Pemilihan (termasuk Borang Pelaburan Semula Dividen) bertakluk kepada terma dan syarat yang dinyatakan dalam Dokumen-Dokumen DRP yang diterbitkan oleh Maybank. Bilangan maksimum Saham Maybank baru yang dinyatakan dalam Borang Pelaburan Semula Dividen yang telah dihantar kepada anda telah dikira berdasarkan kelayakan anda untuk Bahagian Boleh Pilih pada 29 September 2014.

Rasional Maybank melaksanakan DRP ini adalah seperti berikut:

- (a) Untuk meningkatkan dan memaksimumkan nilai pemegang-pemegang saham melalui langganan Saham Maybank baru di mana harga terbitan bagi satu Saham Maybank baru adalah pada harga diskaun;
- (b) Untuk memberikan lebih fleksibiliti kepada pemegang-pemegang saham dalam memenuhi matlamat pelaburan mereka, di mana mereka akan mempunyai pilihan sama ada untuk menerima tunai atau melabur semula dalam Maybank melalui langganan Saham Maybank tambahan tanpa perlu mengeluarkan kos transaksi ataupun kos-kos berkaitan lain yang material; dan
- (c) Untuk mendapat manfaat daripada penyertaan pemegang-pemegang saham dalam DRP di mana jika pemegang-pemegang saham memilih untuk melabur semula Bahagian Boleh Pilih tersebut ke dalam Saham Maybank baru, tunai yang sepatutnya dibayar sebagai dividen akan dilaburkan semula sebagai dana untuk perkembangan perniagaan berterusan bagi kumpulan Maybank. DRP bukan sahaja akan memperluaskan asas modal saham Maybank dan memperkuatkan kedudukan modalnya, malah akan menambahkan kecairan bagi Saham Maybank di Pasaran Utama Bursa Malaysia Securities Berhad.

Jika anda mempunyai sebarang pertanyaan berhubung DRP, anda boleh menghubungi Pendaftar bagi DRP di Aras 17, The Gardens North Tower, Mid Valley City, Lingkaran Syed Putra, 59200 Kuala Lumpur (nombor telefon: +603-2264 3883) atau e-mel kepada [is.enquiry@my.tricorglobal.com](mailto:is.enquiry@my.tricorglobal.com).

Sekiranya anda mempunyai sebarang keraguan berhubung tindakan yang perlu diambil, anda haruslah mendapatkan khidmat nasihat broker saham, pengurus bank, peguam, akauntan atau penasihat profesional lain dengan sertamerta.

Penasihat bagi DRP



Maybank Investment Bank Berhad (15938-H)  
(Sebuah Organisasi Bursa Malaysia Securities Berhad yang Mengambil Bahagian)

Anda boleh melayari laman web Maybank ([www.maybank.com/drp](http://www.maybank.com/drp)) untuk maklumat lanjut berhubung DRP.